

## Риёзус солиҳийн шарҳи / Риёзус солиҳийн шарҳи / 581-ҳадис

581 - وَعَنْ سَهْلِ بْنِ سَعْدٍ رَضِيَ اللَّهُ عَنْهُ: أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ أَتَى بِشَرَابٍ، فَشَرِبَ مِنْهُ، وَعَنْ يَمِينِهِ غُلَامٌ، وَعَنْ يَسَارِهِ الْأَشْيَاحُ، فَقَالَ لِلْغُلَامِ: «أَتَأْذُنُ لِي أَنْ أُعْطِيَ هَؤُلَاءِ؟» فَقَالَ الْغُلَامُ: وَاللَّهِ يَا رَسُولَ اللَّهِ! لَا أُؤْتِرُ بِنَصِيبِي مِنْكَ أَحَدًا، فَتَلَّهُ رَسُولُ اللَّهِ صَلَّى اللَّهُ عَلَيْهِ وَسَلَّمَ فِي يَدِهِ. مُتَّفَقٌ عَلَيْهِ [خ 2451، م 2030].

«تَلَّهُ» بِالتَّاءِ الْمُتَّانَةِ فَوْقَ، أَي: وَضَعَهُ، وَهَذَا الْغُلَامُ هُوَ ابْنُ عَبَّاسٍ رَضِيَ اللَّهُ عَنْهُمَا.

581. Саҳл ибн Саъд розияллоху анҳудан ривоят қилинади:

«Расулуллоҳ соллаллоху алайҳи васалламга ичимлик келтирилди. У зот ундан ичдилар. Ўнг тарафларида бир бола, чап тарафларида эса кексалар бор эди. У зот болага: «**Буларга узатишимга изн берасанми?**» дедилар. Бола: «Аллоҳга қасамки, эй Аллоҳнинг Расули, сиздан оладиган насибамга ҳеч кимни ўзимдан устун қўя олмайман», деди. Шунда Расулуллоҳ соллаллоху алайҳи васаллам (ичимликни) унинг қўлига тутқаздилар».

*Муттафақун алайҳ.*

**Шарҳ:** Ўша бола Ибн Аббос розияллоху анҳумо эдилар.

Ушбу ҳадисдан олинадиган хулосалар:

- Ҳар бир ўринда ўнг томондан бошлаш суннатлиги.

- Ўнг томонни муқаддам қўйилиши мавқеъси олий бўлгани учун эмас, балки у томон суннатга мувофиқ бўлгани учундир.
- Шариат буюрган нарса ҳамма нарсадан устун экани.
- Ҳақ соҳиби бошқалардан кўра ҳақли экани.
- Мажлисдагилар хоҳ кичик бўлсин, хоҳ кекса бўлсин улар билан гўзал одоб билан муомалада бўлиш.
- Кичик ёшлиларнинг катта ёшлилар мажлисида иштирок этишининг жоизлиги. Чунки ёшлар учун катталарнинг суҳбатида таълим ва одоб бордир. Мардлар мардларнинг мажлисида иштирок этгач юзага келади.

---

Манба: [hadis.islom.uz](http://hadis.islom.uz)

